

Soalan No:55

PEMBERITAHU PERTANYAAN DEWAN RAKYAT

PERTANYAAN : LISAN

DARIPADA : TUAN TEO KOK SEONG [RASAH]

TARIKH : 28.11.2017

SOALAN :

Tuan Teo Kok Seong [Rasah] minta MENTERI PENDIDIKAN menyatakan secara terperinci :-

- (a) bilakah 10 Sekolah Jenis Kebangsaan Cina (SJKC) dan 6 pemindahan SJKC yang telah diumumkan oleh Kerajaan pada 26 Oktober 2017 dapat siap dengan sepenuhnya; dan
- (b) adakah Kerajaan akan menampung segala kos pembinaan dan pemindahan untuk sekolah-sekolah yang tersebut di atas.

JAWAPAN

Tuan Yang di-Pertua,

Jawapan (a) dan (b)

Pembangunan sekolah termasuk Sekolah Jenis Kebangsaan Cina (SJKC) adalah bagi memenuhi keperluan pendidikan anak-anak masyarakat / daerah setempat selaras dengan keperluan sosial dan ekonomi serta akses kepada pendidikan untuk semua. Bagi memenuhi keperluan pendidikan masyarakat Cina, pembinaan SJKC baharu dilaksanakan di kawasan yang mempunyai penduduk etnik Cina yang

ramai. Kementerian Pendidikan (KPM) telah meluluskan permohonan pembangunan 10 SJKC baharu dan pemindahan 6 SJKC ke kawasan baharu. Pelaksanaan sekolah-sekolah ini perlu berdasarkan keutamaan dan keperluan projek serta kebolehpayaan ekonomi dan kewangan negara.

RJM89a